

Bersempena dengan sambutan Hari Raya Aidilfitri, Jabatan Perpaduan Negara menganjurkan satu pertandingan menulis cerpen yang bertemakan rumah terbuka Malaysia.

Anda ingin menyertai pertandingan tersebut. Tulis cerpen tersebut selengkapnya. Dimensi Sastera

KBAT Mencipta

Peristiwa pahit yang menyebabkan dia _____ (dibesarkan, dikecilkan) di rumah Jabatan Kebajikan Masyarakat masih segar dalam ingatan Anas. Tanggal 15 Januari 2010, ibu bapanya terlibat dalam suatu nahas jalan raya. Kedua-dua orang tuanya meninggal dunia dalam perjalanan ke hospital.

Anas tersedar daripada lamunan apabila terdengar bunyi _____ (jeritan, kokokan) ayam jantan.

"Tiada guna aku merintih. Setiap perancangan Pencipta tentu ada hikmahnya". Anas bermonolog sendirian.

Selang satu hari lagi umat Islam akan menyambut Hari Raya Aidilfitri. Anas terkenang kembali suasana hari raya pada tahun pertama dia ditempatkan di rumah anak yatim itu. Saat kanak-kanak lain menyambut hari raya dengan cerianya, Anas berasa kosong sekali. Dia hanya mampu melihat mereka mencium tangan ibu dan ayah. Sedangkan dia tiada sesiapa pun untuk bersalam-salaman. Perasaan _____ (gembira, sebak) mula menyelubungi murid pintar itu.

Namun begitu, senyuman _____ (terukir, terpahat) di bibirnya tatkala terkenang sambutan hari raya bersama dengan arwah ibu bapanya. Suasana ketika itu sungguh meriah. Awal-awal pagi lagi, mereka bersiap-siap dan memakai pakaian sedondon. Mereka berkumpul di ruang tamu untuk sesi bermaaf-maafan. Ayah Anas memberikannya wang di dalam sampul. Kemudian, mereka sekeluarga menikmati hidangan hasil air _____ (jari, tangan) ibunya. Rindu semakin bertandang di hati Anas.

"Jauh _____, (termenung, terfikir) nampaknya, Anas? Bonda ada berita gembira untuk Anas," ujar Puan Sakinah, selaku pengurus rumah kebajikan itu.

"Berita apa, Bonda?" tanya Anas dengan penuh minat.

"Begini, Anas telah dijemput oleh Yang Amat Berhormat Menteri Besar untuk beraya di kediaman rasmi beliau," beritahu Puan Sakinah.

Anas hanya mengangguk dan membalas senyuman Puan Sakinah.

"Beliau telah _____ (menyediakan, mengadakan) baju raya untuk Anas dan rakan-rakan Anas yang lain juga," tambah Puan Sakinah lagi. Beg plastik yang berisi baju raya dihulurkan kepada Anas.

"Terima kasih, Bonda. Baik hati betul Yang Amat Berhormat itu," ucap Anas.

Setelah sebulan berpuasa, kini hari yang dinanti-nanti umat Islam di seluruh dunia pun tiba. Sayu hatinya apabila mendengar _____ (takdir, takbir) raya. Walau bagaimanapun, dia segera memendam perasaan tersebut. Setelah solat hari raya, Anas dan penghuni rumah anak yatim itu bersalam-salaman dan menjamah juadah yang disediakan sebelum _____ (bertolak, berjalan) ke rumah terbuka Menteri Besar.

Anas terpegun melihat rumah agam milik Menteri Besar itu. Kehadiran anak-anak yatim itu dialu-alukan oleh Menteri Besar sekeluarga. Pemimpin berjiwa rakyat itu melayan mereka dengan _____

(dingin, mesra). Anas terkejut apabila dimaklumkan bahawa Menteri Besar berkenan untuk mengambilnya sebagai anak angkat. Segala pengajiannya juga akan dibiayai oleh Menteri Besar tersebut.

"Setiap cuti sekolah atau pada masa lapang datanglah ke sini. Kedatangan Anas sentiasa kami nanti-nantikan," kata-kata bapa angkatnya itu terngiang-ngiang di telinga Anas.

Sejak hari itu hubungan mereka begitu _____ (renggang, akrab). Anas amat berterima kasih kepada keluarga angkatnya dan bersyukur kepada Tuhan. Kini, sambutan hari raya tidak muram dan suram lagi.